

DISSERTATIO MEDICA

INAUGURALIS,

James DE *Simpliciter*

FLUORE ALBO:

QUAM,

ANNUENTE SUMMO NUMINE,

Ex auctoritate Reverendi admodum Viri

D. GULIELMI WISHART, S. T. D.

ACADEMIAE EDINBURGENAE PRAEFECTI,

NEC NON

Amplissimi SENATUS ACADEMICI *consensu,*
et nobilissimæ FACULTATIS MEDICAE *decreto;*

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

EDMUNDUS BLACKALL HIBERNUS,

ad diem quintum Maii, hora locoque solitis.

*Eam quippe desideramus Theoriam, quæ a Praxi felicissima sit deducta, ad
eamque rursus accomodata.*

FREIND.

EX OFFICINA ROBERTI FLAMINII. M. DCC. XLIX.

1891

C. 7. 1.

ORNATISSIMO VIRO

ROBERTO WHYT T

MEDICINAE THEORETICAE APUD EDINENSES

PROFESSORI ERUDITO, DISERTO;

HOC QUALECUNQUE TENTAMEN MEDICUM,

GRATI CERTE ANIMI INDICIUM,

D. D. D.

EDMUNDUS BLACKALL.

DISSERTATIO MEDICA

DE FLUORE ALBO.

QUUM hujus Academiae legibus sapienter sancitum sit, ut hi qui titulum medici ambiunt, non solum tentamina varia privata subeant, sed etiam specimen quoddam in studiis diligentiae, et in arte medica peritiae, publici juris faciant. Huic legi lubenter obtemperaturo, inter alia argumenta, mihi maxime arridet quod *Fluorem Album* tractat: qui sanè morbus sexum amabilem solummodo infestat, immaniterque opprimit aegrasque miserrimas ad officia omnia socialia ac domestica peragenda ineptas omnino reddit.

Hicce affectus variis nominibus apud authores insignitur. Graecè enim dicitur *ῥῆς γυναικείας*, Latinè Fluxus vel Fluxus Albus, Muliebris, Uterinus, Gonorrhoea non virulenta, Menstrua alba, nostroque idiomate THE WHITES.

DIAGNOSIS.

Signa quibus hujus morbi praesentia dignoscitur, ut ab authoribus memorantur, ita sese habent.

Stillicidium fit ex utero ferè perpetuum, humoris albi, pallidi, citrini, viridis, quandoque etiam subnigri pro varia ejus indole, quae nunc mitis, nunc acris et mordax est. Huic modò nullus odor, modò gravis adest: aegrae facies pallet; urina cruda est, in qua se-

DISSERTATIO MEDICA

dimentum pituitosum et inodorum observatur, unà cum flocculis albis supernatantibus; lumbi, abdomen et hypogastrium dolent atque gravantur; cor saepè palpitat; pulsus mollis est ac parvus; prostermitur appetitus: morbo autem inveterascente, oculi et crura intumescunt; dyspnoea, atrophia, &c. invadunt.

AETIOLOGIA.

Chemicorum regno adhuc vigente, philosophia naturalis et tota medicina igne et fermentis aestuarunt. Corpus etiam humanum pro alembico habetur, et universae ferè causae morborum, aequè ac viscerum functiones, per nescio quas fermentationes explicantur. Hae fermentationes totae massae sanguineae (si diis placet) latè dominantur, vel partem aliquam aut viscus tantummodò occupant, prout ratio explicandorum phoenomenon postulat. Morbus etiam, de quo agimus, ex principiis chemicis et ratiociniis deducitur: SYLVIVS enim statuit causam fluxûs albi moderati multoque saepè tempore notabili sine noxa durantis, fermentum esse aliquod acido austerum, in utero productum, massâ sanguineâ interim non multum mutatâ, immoderati verò fermentum sanguinem late vitians. Haud ad rem erit Veterum sententias, de hujus morbi causis, recensere: primâ quippè fronte opinionum commenta esse videntur, tempusque eas redarguendo frustra tererem: horum verò opera haud parvi facit aequus rerum aestimator: fatendum enim est, multa eorum scripta aureis utilissimisque observatis plena esse ubique

ubiquè atque referta; quamvis ex ignorato sanguinis circuitu. Causae verae morborum saepiùs eos latuerunt; horum symptomata sive phoenomena accurate pinxerunt, omnesque morbi mutationes, per totum ejus decursum, summâ curâ atque fide notarunt. Quippe in nullius hypotheseos veritatem jurantes, observata propria nuda, et ex natura hausta, tradiderunt; quorum auxiliis, unâ cum sanguinis rotatione, HARVEO detecta, qualitates occultae medicaminum, tum causae morborum reconditae, investigatu faciliùs erant.

His praemissis, causas hujus morbi paulò propiùs jam spectemus, quae in proximas et remotiores dividi queunt: quasi causae proximae ponuntur laxitas vasorum uterinorum atque glandularum circa uteri os et in vagina haerentium, et tenuior humorum diathesis. Causae remotae multiplices esse possunt; memoratu autem digniores sunt quae sequuntur, (scilicet) organi chylopoietici cujusvis laesa functio; vulnera aut contusiones loci affecti; mensium et lochiorum fluxus immodicus eorumve suppressio; pathemata animi vehementiora quies nimia et exercitium immodicum; atque haud rarò (observante MORTONO *) hujus morbi parens fuit lues venerea: quibus tutò licet adjicere Theae Infusum nimium, qui apud foeminas plus satis sibi indulgentes diù jam invaluit.

Ex Memoratis symptomatum ratio facilè patebit. Sub morbi enim initio, stillicidii indoles est mitis, se-

* Phth. lib. imo, cap. iv,

rum sanguinis aut chylum recentem quodammodò referens ; unde color albus aut pallidus, atque odor ferè nullus ; humor ergo plicis vaginalibus aut aliò quovis modo irretitus stagnando putrescit, atque naturam satis acrem induit ; ulcuscula et erosiones hinc proveniunt, ex quibus color fluxûs viridis, citrinus aut nigrescens pro gradu acrimoniae nato evadit. Sanguinis diathesis tenuis et pituitosa esse dicta est ; unde facies pallida, omnesque secretiones turbatae ; quare vasa renum fecer-
nentia, solito justoque laxiora, partes sanguinis crassiores simul cum urina demittunt ; hinc sedimentum crudum et pituitosum. Lumborum, abdominis et hypogastrii dolor gravitasque à debilitate vasorum, per haec loca decurrentium, pendent ; vasa quippè laxa et debilia tardè admodum et difficulter sanguinem ad cor revehunt, hinc, turgida et varicosa facta, ponderis dolorisque sensum creant. Palpitatio autem, ab inordinata spirituum animalium tum secretione, tum derivatione, oriri videtur : à cordis arteriarumque viribus morbi diuturnitate fractis, fit pulsus parvus atque mollis. Quamdiù corpus nostrum rectè sese habet, ventriculum atque intestina muco quodam laevi prudens natura obducit, hoc nimirum consilio, ne papillae nerveae ab ingestis, vel etiam humoribus inquinis, irritatae dolerent. In hoc verò morbo mucosae glandulae, ob earum laxitatem nimiam, majorem hujus liquidi copiam secernunt, quae adeò non prodest, ut multum etiam obfit : fibrae enim ventriculi et intestinorum muscu-
lares,

lares, humorem hunc viscidum lentumque excutere nequeunt; aucto verò et accumulato repletionis gravativae sensus continuò excitatur; nausea denique et vomitus ab indebito quolibet hujus mucii motu oritur. Adolescente malo, cum vasa penitus laxantur, fluidaque in aquosam aut pituitosam prorsus indolem abierunt, omnia tument, gravantur, dolent; lentore pulmo obruitur; vitaeque fusis viribus, languet, aut cessat coctio; Atrophia incumbit, et Lypothymiae mortem brevì infecuturam docent; uti olim memoravit HIPPOCRATES: * Ἐπὶ ῥόῳ γυναικείῳ πᾶσμός καὶ λειποθυμία ἢν ὅπ. γένηται, κακόν.

Priusquam Prognosin instituiamus, necessarium prorsus erit ab aliis affectibus hunc fluxum secernere, (scil.) à fluxu menstruo decolori atque Gonorrhoea virulenta, à mensibus verò decoloratis multum fanè decedit; hi enim statis tantum periodis erumpunt, fluxus autem de quo agitur nulla ferè intervalla novit. Quum verò fluida atque solida pessimè in utrisque sese habeant, eandem curationis methodum (si topica excipias) postulare videntur: à Gonorrhoea autem non adeò facile dijudicatur. Practici quidem authores, certissimis signis fluorem hunc à Gonorrhoea distingui volunt; HOFFMANNUS enim atque BAGLIVIVS (magna certè nomina) sequentem non fallax, uti aiunt, signum dederunt, (scil.) si temporum mensium Fluor Albus adsit, morbus quo aegra divexatur, Gonorrhoea Gallica est, si verò, durante menstrua-

tionem, evanescat, et, eâdem finitâ, denuò regrediatur, pro certo habeamus, mulierem Fluore Albo uterino laborare. Hoc certè signum infallibile esset, si Fluor Albus sinus uteri solummodò occuparet; sed quum omnes norunt hujus morbi sedem in locis extra-uterinis, (scil.) in vasis exhalantibus et glandulis vaginalibus, saepissimè haerere, cautè pronuntiandum de morbi genio, ne famam (quâ foeminis nihil chariùs est) vitamque, ex mala morbi tractatione, simul eripiamus. BOERHAAVIUS, quem etiam fors humana quandòque erroribus premit, in eundem planè incidit; de morbo enim Venereo agens, haec habet *; “ In veretro externo cancri, in interno “ Gonorrhoea; in vagina Fluor dictus Albus.” Signa autem sequentia rariùs, si quid ipse in hac re judico, medicum fallent; v. g. copia fluxûs Venerei multò minor est quàm Fluoris Albi, acriorque evadit, atque cum intensiori ardore et calore saevit. Porro si nupta sit aegra, vir autem labe non inquinatur, Fluorem Album adesse tutò licet colligere.

PROGNOSIS.

Morbus hicce in junioribus, nec valdè debilitatis, parùm secum adfert periculi; fausto enim omine saepiùs propinantur remedia: sed in vetulis, cachecticis aut cacochymicis, quibus menstrua desiêre, vel penitùs substitêre, omnino aliter evenit; aetate enim grandiores aegrè sanantur, quoniam in his fibrae ferè immobiles sunt; fibras verò senectute obrigescentes nescit medicina corrigere.

CURA-

* Aph. Par. 1447.

DE FLUORE ALBO.

CURATIO.

Ad medendi methodum nunc perventum est ; de rerum, ut aiunt, Non-naturalium usu atque administratione pauca sunt dicenda.

Aere sereno utantur aegrae pauloque calidiori ; saepius et parvâ quantitate cibum facilè visceribus subigendum sumant, quique eâ est mollitie ac fluore, ut, prius quàm ingeratur, chyli speciem aliquatenus prae se ferat. Frictiones eximium praestant usum, languentem enim solidorum viam mirum in modum excitant. Idem faciunt unctiones in Equo, Rheda, Navi, ambulationes, cursus. Potus sit paucus ex vinis austeris et meracioribus, interposito aquae calcis, Bristol. et Piermont. usu. Acida fugiant ; nam, teste DOLAE0 *, hic morbus in Belgio frequentior est, quia ibidem mulierculae imensa abutuntur Acetariis. Quamvis autem Acidorum usum incongruum esse DOLAE0 lubens darem ; hujus morbi tamen in Belgio frequentiam, non minùs ab Aere humido et pluvioso, quàm ab Acidis contingere opinor. Pathemata animi immoderata, (ante omnia Moeror) vitentur. † Affectus animi violenti aut diù permanentes iidem, cerebrum, nervos, spiritus, musculos, mirabiliter et efficacissimè mutant, figunt, depravant ; unde quoscunque ferè morbos valent producere et fovere pro sua diversitate et duratione.

Ad hunc morbum fastidiosum debellandum requiruntur Solidorum firmatio, et Fluidorum condensatio.

Curatio

* Dol. lib. v. de mul. morb.

† Boer. med. inst. parag. 771.

DISSERTATIO MEDICA

Curatio autem incipi debet, alvum semel atque iterum
ducendo, medicamento purgante ex Calomelano et Rha-
barbaro composito: sic enim Ventriculus atque Tubus
intestinalis à viscido phlegmate expurgantur; corrigitur
Humorum mala diathesis, Revulsio quoque fit ex uteri
vasis. Quò spectat illud HIPPOCRATIS; *Τυνάξει τὰ
καταμήνια ἄχρεα, καὶ μὴ κατὰ τὰ αὐτὰ αἰεὶ γιγνόμενα,
καθάροιθαι δεῖσθαι σημαίνει.*

Ad solida roboranda, atque Humorum tenuitatem
nimiam corrigendam, conveniunt,

Imo, Medicamenta amara, viz. Gentiana, Cortex
aurantiorum, Centaurium minus, Calamus aromaticus,
&c.

2do, Roborantia et leniter adstringentia; Chalybs,
Crocus Martis adstringens, Cortex Peruvianus, G. O-
libanum, Mastiche, &c.

3tio, Constringentia fortiora; Cortex Quercûs, Radix
Tormentillae, Flores Balaustiorum, Sanguis Draconis,
Alumen Rupeum, Aquae Aluminosae, &c.

Saepe Sudorifera et Siccantia profunt; ut Decoctum
Lignorum, et Aqua Calcis.

Si Fluor Albus a peculiari vasorum uteri laxitate, po-
tius quàm à vitio generali solidorum et fluidorum totius
corporis pendeat, tunc praesertim (suadente CELSO †)
conveniunt medicamina topica roborantia: haec enim
cum ipsi parti malè affectae immutata applicentur, ma-
jorem

* Hip. Aph. Sect. 5. Aph. 36. † A. C. Celsi l. iv. si maligna purgatio
est, subjicienda sunt coercentia.

DE FLUORE ALBO.

jorem edere debent effectum quàm si Ore hausta fuerint. Talia sunt,

Imò, Fodus, vel Injections ex radice Torment cortice Quercûs, Foliis Rosarum rubrarum, Menth siccae, Majoranae, in Aqua Ferraria vel Vino rub coctis.

2do, Fumi G. Myrrhae, Olibani et Mastiches resinosorum.

Si unà cum Fluidorum nimiâ tenuitate adsit Ac monia, imprimis opitulantur Mucilaginosi, sive si G. Arabic. Tragacanth. Ichthiocola, Gelatina è cor cervi.

F I N I S.

James Temple
of Virginia
and County, Virginia

Conceal
Gardman

Conceal the
military
matters
the has
they heart
the is too much
they upon to

Comply and too too
for let the record
God be preserved
for it

February 11. 10.

Conceal
Gardman

Conceal the
military
matters
the has
they heart
the is too much
they upon to